

— † A Sedrun ei miert il glendiadis vargau, suenter maldispostadat de plirs onns, il senior della vall Tujetsch: Sgr. vegl scolast e pres. com. Gion Ant. Soliva, ell'aulta vegliadetgna de 83 onns. Il defunct, um de veglia buna pasta e solids principis, ha surviu a sia visch-naunca biars onns sco gerau, official civil, scolast ed organist; pli baul ha el era dau scola en differents auters loghens. Della stema e confidanza, che Sgr. scolast Soliva gudev' era ordeifer sia visch-naunca, muossa sia repetida elecziun sco derschader de cumin e vicemediatur. Dapertut demussav' el buna savida, activitat e premura. Il defunct meretta da sia visch-naunca sco dal cumin ina buna, engrazieivla memoria. In pace! 1-4-1915